



**KOLEJ YAYASAN PELAJARAN JOHOR
PEPERIKSAAN AKHIR**

KURSUS	:	ISLAMIC THEOLOGY
KOD KURSUS	:	DPI1022
PEPERIKSAAN	:	OKTOBER 2015
MASA	:	2 JAM

ARAHAN KEPADA CALON

1. Kertas soalan ini mengandungi **TIGA (3)** bahagian:

BAHAGIAN A (10 Markah)
BAHAGIAN B (20 Markah)
BAHAGIAN C (30 Markah)
2. Jawab **SEMUA** soalan dari **BAHAGIAN A** dan **BAHAGIAN B**. Jawab **TIGA (3)** soalan sahaja dari **BAHAGIAN C**.
 - i. Jawab **BAHAGIAN A** di dalam Borang Jawapan Betul/Salah
 - ii. Jawab **BAHAGIAN B** di dalam Borang Jawapan Objektif
 - iii. Jawab **BAHAGIAN C** di dalam Buku Jawapan. Mula menjawab setiap jawapan di mukasur baru.
3. Calon tidak dibenarkan membawa masuk sebarang peralatan ke dalam bilik peperiksaan kecuali dengan kebenaran pengawas peperiksaan.
4. Sila pastikan bahan-bahan berikut diperolehi untuk sesi peperiksaan ini:
 - i. Kertas Soalan
 - ii. Borang Jawapan Betul/Salah
 - iii. Borang Jawapan Objektif
 - iv. Buku Jawapan

JANGAN BUKA KERTAS SOALANINI SEHINGGA DIBERITAHU

KERTAS SOALANINI MENGANDUNG 12 HALAMAN BER CETAK TERMASUK MUKA HADAPAN

BAHAGIAN A

Bahagian ini mengandungi SEPULUH (10) soalan. Jawab SEMUA soalan di dalam Borang Jawapan Betul/Salah.

1. Syaitan berupaya menguasai jiwa manusia melainkan jika manusia itu sendiri menolak hidayah Allah.
2. Jin sebenarnya mampu untuk mengetahui perkara ghaib dan jin juga ditaklifkan seperti manusia.
3. Antara kesan percaya kepada taqdir ialah menghubungkan manusia dengan tuhan pencipta alam ini.
4. Tingkah laku manusia dalam hidup merupakan terjemahan kepada keyakinannya.
5. Di antara nama neraka ialah Saqr
6. Manusia tidak wajib mengakui bahawa amalan-amalan yang dilakukannya adalah timbul dari kemahuan dan kehendaknya sendiri.
7. Mengucap dan mengaplikasikan syahadah bahawa tiada tuhan yang disembah melainkan Allah dan Nabi Muhammad itu pesuruh Allah termasuk dalam tauhid Uluhiyyah.
8. Mana-mana hakikat ilmiah yang mampu dicapai oleh pemikiran manusia, pasti ditemui asasnya dalam al-Quran sama ada dalam bentuk isyarat atau penyataan.
9. Ulamak bersepakat menyatakan bahawa roh itu qadim (sedia ada)
10. Kita diwajibkan beriman dan beramal dengan semua kitab-kitab yang diturunkan oleh Allah.

(10 markah)

BAHAGIAN B

Bahagian ini mengandungi DUA PULUH (20) soalan. Jawab SEMUA soalan di dalam Borang Jawapan Objektif

1. Pencarian hakikat kehidupan sebagai fenomena fitrah bertuhan dapat dilihat menerusi aktiviti manusia yang berikut **KECUALI**
 - a. Penciptaan pelbagai teori tentang asal usul alam
 - b. Menjalani peperiksaan dalam sesuatu kemahiran insaniah
 - c. Amalan-amalan ritual dan penyembahan terhadap kuasa ghaib
 - d. Mencari jalan penyelesaian dengan mengharapkan bantuan dari sesuatu keajaiban
2. Berikut adalah kaedah yang boleh membawa manusia meyakini kewujudan Allah **KECUALI**:
 - a. Melalui logik akal
 - b. Melalui fitrah manusia
 - c. Melalui wahyu
 - d. Melalui meditasi
3. Apakah hikmah mengimani hari kiamat?
 - i. Supaya manusia bekerja dengan lebih gigih dan tekun lagi
 - ii. Supaya manusia bermotivasi ke masjid dan meninggalkan kerja harian
 - iii. Supaya manusia sedar dan insaf bahawa alam ini akan musnah
 - iv. Supaya manusia tidak lagi bersemangat mencari harta dunia
 - a. i, ii dan iii
 - b. ii, iii dan iv
 - c. i dan iii
 - d. ii dan iii

4. Definisi Tauhid al-Asma' Wa al-Sifat mengandungi tiga asas **KECUALI**
- Menyucikan Allah daripada penyerupaan dengan makhluk dan daripada segala kekurangan
 - Menghafaz al-Asma al-Husna
 - Beriman dengan al-Asma' wa al-sifat yang sabit dalam Quran dan Sunnah
 - Menghentikan keinginan untuk mengetahui hakikat sifat Allah
5. Perkara-perkara di bawah ini adalah di luar kuasa manusia. Oleh itu qadarlah yang berperanan dalam semua perkara tersebut.
- Minda atau tahap cerdik atau bodoh
 - Masa atau detik kelahiran
 - Siapa ibu bapa yang melahirkannya.
 - Membuat pilihan calon isteri
- a. i,ii dan iii
- b. ii, iii dan iv
- c. i, iii dan iv
- d. i, ii, iii dan iv
6. Pilih pernyataan yang SALAH mengenai konsep menerima takdir Allah
- Menerima dengan reda apa yang telah ditakdirkan oleh Allah
 - Menerima takdir baik dan buruk dari Allah dengan sabar
 - Takdir Allah tidak boleh berubah dengan doa
 - Bersabar sekiranya Allah mentakdirkan sesuatu yang buruk
7. Majlis Fatwa Kebangsaan telah memutuskan bahawa senaman yoga yang bersistematis adalah haram diamalkan oleh orang Islam. Apakah elemen yang menyebabkan senaman tersebut bertentangan dengan Islam?
- Pemujaan
 - Bacaan mentera
 - Keberhalaan
 - Kesederhanaan

- a. I, ii dan iii
b. I, iii dan iv
c. II, iii dan iv
d. Semua di atas
8. Pilih kenyataan yang benar tentang hubungan antara akal, aqidah, wahyu dan iman dalam diri setiap mukmin
- Akal memerlukan wahyu untuk mencapai iman
 - Wahyu menyuburkan aqidah sehingga tidak tersesat
 - Dengan wahyu sahaja manusia boleh mencapai iman
 - Manusia boleh memilih sama ada menggunakan akal atau wahyu untuk mencapai iman
- a. i sahaja
b. i, ii dan iii
c. ii dan iii
d. Semua di atas
9. Pernyataan berikut adalah BENAR mengenai qadar Allah **KECUALI**.
- Manusia boleh membuat pilihan samada jalan hidayah atau kesesatan.
 - Manusia akan dipertanggungjawabkan terhadap pilihannya.
 - Manusia diberi kebebasan mutlak untuk memilih apa yang dikehendakinya.
 - Kehendak manusia terletak dalam lingkungan kehendak Allah.
10. Pilih kenyataan yang **SALAH** berkaitan dengan persoalan taqdir
- Allah yang menciptakan segala sesuatu, oleh sebab itu Allah bebas memilih siapa pun makhluknya sesuai dengan apa yang telah dikehendakinya.
 - Allah berhak merendahkan siapa saja yang dikehendakinya dengan mentakdirkan ia menjadi orang yang hina dina.
 - Allah tidak memberikan manusia pilihan di dalam menentukan hala tuju Kehidupan mereka kerana Allah berkuasa atas segala-galanya.
 - Allah membuat kekenyangan di waktu manusia itu makan.

11. Seorang pencuri pernah ditanya di zaman Khalifah Omar: Mengapa engkau mencuri? Maka pencuri itu menjawab: "Memang Allah telah menakdirkan demikian ini kepada diri ku". Pilih kenyataan yang **PALING TEPAT** untuk menjelaskan peristiwa di atas.

- a. Takdir sama sekali tidak boleh dianggap sebagai jalan untuk bertawakkal yang tidak sewajarnya, takdir dapat ditolak dengan takdir.
- b. Takdir diertikan sebagai suatu paksaan tuhan kepada seseorang hambanya.
- c. Takdir haruslah dianggap sebagai jalan untuk melaksanakan tujuan-tujuan yang baik.
- d. Takdir merupakan suatu kekuatan yang dapat membangkitkan semangat berusaha.

12. Berikut ialah asas-asas akidah Islam yang telah dibina oleh rasulullah S.A.W.

KECUALI

- a. Keyakinan kewujudan Allah
- b. Keyakinan kepada para rasul yang diutus ke muka bumi
- c. Keyakinan kepada makhluk-makhluk halus ciptaan Allah
- d. Keyakinan dengan taqdir dan ketetapan Allah.

13. Penyataan di bawah ini adalah kesan daripada keimanan kepada takdir

KECUALI

- a. Kekuatan dan kecekapan manusia dapat mencapai pengertian bahawa adanya peraturan dan ketentuan tuhan.
- b. Memberikan pelajaran kepada manusia bahawa segala yang ada di alam ini berjalan dengan kebijaksanaan yang telah digariskan oleh Allah.
- c. Memberikan motivasi kepada manusia untuk meninggalkan aktiviti keduniaan dan menumpukan kepada masa depan yang sebenarnya iaitu hari akhirat.
- d. Tiada satu penyataan pun yang bersesuaian dengan kehendak soalan

14. Di bawah ini ialah pendekatan amali untuk membugarkan tauhid Rububiyyah
- Amalan bertafakkur melihat keindahan alam.
 - Lawatan dan bersiar-siar untuk menghayati dan memikirkan keagungan ciptaan Allah.
 - Menyaksikan dokumentari tentang dunia laut, gempa bumi, gunung berapi dan angkasaraya.
 - Wajib mengikhlaskan kecintaan dan pengabdian hanya kepada Allah
- a. i, ii dan iii
b. ii, iii dan iv
c. i, iii dan iv
d. i, ii, iii dan iv
15. Konsep beriman kepada Allah termasuklah meyakini tauhid rububiah. Manakah di antara berikut terkandung dalam maksud tauhid rububiah?
- Percaya bahawa hanya Allah yang layak di sembah dan diminta pertolongan
 - Percaya hanya Allah yang memiliki nama dan sifat mulia yang tidak dimiliki oleh makhluk
 - Percaya hanya Allah yang maha berkuasa dan maha Esa
 - Percaya hanya Allah, Tuhan pencipta, pemelihara dan pemberi rezeki
- a. i dan ii
b. ii, iii dan iv
c. iii dan iv
d. Semua di atas
16. Mengapakah manusia memerlukan rasul di dalam kehidupan mereka?
- Rasul yang menyampaikan agama Allah secara teori dan amali
 - Agama budaya tidak memerlukan rasul kerana manusia yang mengasaskannya adalah manusia biasa.
 - Manusia tidak mampu berdikari dengan akalnya secara bersendirian dalam hal-hal tertentu seperti metafizik dan akhlak.

- iv. Fitrah manusia menyebabkan manusia memerlukan agama dan agama yang benar hanya boleh didapati daripada pengutusan rasul.
- a. i, ii dan iii
b. i, iii dan iv
c. ii, iii dan iv
d. i, ii, iii dan iv
17. Berikut merupakan tujuan pengutusan Rasulullah kepada manusia **KECUALI**
- a. Mengajak manusia mengesakan Allah serta menolak kesesatan
b. Membimbing manusia ke jalan yang benar dan mengamalkan cara hidup Islam.
c. Mempamerkan mujizat yang dikurniakan Allah kepada masyarakat
d. Menjadi qudwah hasanah serta membentuk akhlak mulia masyarakat
18. Pilih kenyataan yang **BENAR** mengenai konsep beriman kepada kitab-kitab suci
- i. Meyakini dan mengamalkan ajaran semua kitab yang diturunkan
ii. Mempercayai semua kitab-kitab yang diturunkan oleh Allah
iii. Mempelajari, memahami dan menghayati isi kandungan al-Quran
iv. Membaca al-Quran mendapat pahala sama seperti membaca kitab-kitab lain
- a. i dan ii
b. ii dan iii
c. iii dan iv
d. Semua di atas

19. Berikut merupakan keistimewaan-keistimewaan Al-Quran yang membezakannya dengan kitab-kitab suci yang lain **KECUALI**
- Al-Quran memuatkan ringkasan dari ajaran-ajaran ketuhanan yang pernah dimuatkan oleh kitab-kitab suci sebelumnya.
 - Ajaran-ajaran dalam Quran merupakan kalimat Allah yang terakhir untuk memberikan petunjuk dan pimpinan yang benar kepada umat manusia.
 - Al-Quran diturunkan di dalam bahasa arab supaya susah untuk difahami manusia.
 - Al-Quran adalah kitab suci yang kekal sehingga hari qiamat dan tidak akan berlaku pertentangan antara sains dan Quran.
20. Gejala keruntuhan akhlak remaja muslim masa kini adalah isu utama yang menjadi topik perbincangan hangat di Negara kita. Apakah faktor **UTAMA** yang menyumbang kepada fenomena tersebut?
- Pengaruh persekitaran
 - Budaya hedonism yang keterlaluan
 - Lunturnya kekuatan iman
 - Kurangnya pemantauan dari ibubapa

(20 markah)

BAHAGIAN C

Bahagian ini mengandungi EMPAT (4) soalan. Jawab TIGA (3) soalan sahaja di dalam Buku Jawapan.

SOALAN 1

- a. Jelaskan pengertian Teologi Islam dari segi kefahaman anda
(2 markah)
- b. Orang Melayu di Malaysia amat beruntung kerana telah menganut Islam semenjak dilahirkan lagi, bahkan di dalam perlumbagaan Malaysia telah menjelaskan bahawa orang melayu itu ialah beragama Islam, berbahasa melayu dan berbudaya melayu. Persoalannya apakah erti kita menganut Islam atau memeluk Islam ini. Jelaskan.
(2 markah)
- c. Teologi Islam itu mempunyai ciri dan keistimewaannya yang tersendiri yang mana ia membuktikan kesucian dan keluhurannya. Huraikan keistimewaan Teologi Islam tersebut.
(3 markah)
- d. Jelaskan pandangan atau pendapat ahli sains terhadap agama dan unsur-unsurnya.
(3 markah)

SOALAN 2

- a. Apakah yang dimaksudkan dengan tauhid Uluhiah dan Rububiah?
(2 markah)
- b. Jelaskan pengertian iman dan kepentingannya.
(2 markah)

- c. Huraikan buah-buah keimanan atau kesan-kesan keimanan kepada manusia apabila seseorang itu benar-benar bermakrifat kepada tuhannya.

(3 markah)

- d. Di antara faktor penting yang menyebabkan masalah sosial di Negara kita ialah keruntuhan sistem kepercayaan berpaksikan kepada tauhid dan juga sistem nilai. Anda dikehendaki menghuraikan bagaimanakah kita mahu membina dan mengukuhkan aqidah ini dalam kehidupan manusia.

(3 markah)

SOALAN 3

- a. Apakah yang dimaksudkan dengan Qadar?

(2 markah)

- b. Jelaskan hukum beriman dengan qadar berserta dengan dalil naqli

(2 markah)

- c. Sebutkan **TIGA(3)** hikmah keimanan dengan qadar

(3 markah)

- d. Nyatakan pendapat golongan Muktazilah dan Asyariah tentang perbuatan hamba.

(3 markah)

SOALAN 4

- a. Senaraikan **TIGA(3)** prinsip asas Teologi Islam yang anda faham.

(3 markah)

- b. Jelaskan **DUA(2)** peranan Teologi Islam di dalam sistem perbankan di Negara kita.

(4 markah)

- c. Anda diminta memberikan **TIGA(3)** contoh penggunaan prinsip Teologi Islam di dalam kehidupan individu dan bermasyarakat.

(3 markah)

KERTAS SOALAN TAMAT

